

請自備 A4 白紙，依序抄寫以下課文一遍。筆跡應工整。

第三課

人佢獅

黃勁連 改寫

🎧 曲目：26



全部播放

▶ ㊦ 一个少年家欲去市內揣頭路^①，拄著一隻獅擋佇半路，閣發出真恐怖的聲音，伊驚甲強欲軟跤。毋過斟酌^②聽，獅的聲音聽起來敢若真艱苦，少年家雖然兩肢跤必必掣^③，嘛是沓沓仔行過共看覓。原來獅的跤去予一枝刺鑿^④著，當咧流血。獅看著少年家，目睷隨金起來，伊勻勻仔共著傷的跤伸去少年家的面頭前

▶ ㊦ 少年家看獅遮爾^⑤痛苦，有淡薄仔毋甘^⑦，就共彼枝刺拔起來，閣共受傷的所在糊藥仔。獅慢慢仔倚起來，共少年家頌^⑧一下頭，表示感謝。

▶ ㊦ 後來，少年家去到市內，真緊就揣著頭路，想袂到做無佬久^⑩，頭家煞誣賴^⑪伊偷提錢^⑫，共伊送入去監獄。法官尾仔判伊死刑，愛佢野獸關做伙，予野獸共伊咬死。佢少年家關做伙的是一隻獅，這隻獅跛咧跛咧行到少年家的面頭前，雄雄^⑬跪落去，尾溜閣一直搖，逐家攞看甲霧嗶嗶^⑭。原來，這隻獅就是過去少年家救的彼隻。法官知影獅佢少年家的故事了後，認為少年家是一个善良的人，就改判伊無罪，而且閣共伊佢獅攞放出去。

▶ ㊦ 這就是人咧講的：「好心有好報」。

(改寫自《伊索寓言·安德拉和獅》)

螞蟥^①倅蜘蛛

蕭平治

🎧 曲目：36



全部播放

▶ ㊦ 一隻螞蟥^②佇一間倉庫內面，四界經絲^③掠蠓仔食，日子過了誠快活，因為逐日都有真濟毋知死活的蠓仔來遮集會唱歌。

▶ ㊦ 有一工，螞蟥食飽無代誌做，就看外口的樹仔跤，遐有兩、三隻蜘蛛佇樹樞經蜘蛛網，等待胡蠅、蠓仔來著網，免麻煩，免用氣力，干焦踎樹仔頂等，就有通食，實在予伊欣羨甲。

▶ ㊦ 欣羨無效，緊來學步數較有影。螞蟥隨時^④徙跤，一步一步行出門口外，踎上樹仔頂，欲學蜘蛛經網張^⑤胡蠅、蠓仔。螞蟥會曉吐絲，袂曉經八卦網^⑥，所以伊經的絲，攏無胡蠅、蠓仔著網。螞蟥一點鐘等過一點鐘，等到腹肚枵甲大腸告小腸^⑦，對透早等到日黃昏，連一隻細隻蠓仔都無行跤到。等到天光，不得已離開彼樞樹，想欲倒轉去彼間倉庫。誠不幸，伊枵甲跤瘦手軟，行袂振動^⑧，煞死佇半路，實在真可憐。

▶ ㊦ 無彼號^⑨才調^⑩就毋通欲學別人的樣，欣羨別人的才能，不如家己拍拚，照家己的生活方式去經營。

菜市仔學堂

楊玉君

🎧 曲目：50



全部播放

▶ ㊦ 以前我無啥敢去菜市仔，因為佇遐買菜的學問真深，若是基本智識無夠，略仔^①無細膩^②就會予人看出我是外行人。

▶ ㊦ 像講，無仝的物件秤重的單位無仝，有的物件輕秤^③，愛照兩賣，若是一開喙就問人一斤佻濟錢，會予人偷笑。因為驚人發現我是菜市仔的菜鳥仔，所以我後來學一句：「這按怎賣？」賣菜的就會講半斤、一斤抑是一兩的價數^④，按呢問起來上安全。後一關就是賣菜的會問我欲秤佻濟。我毋知影到底一兩、半斤的量是佻濟，就會請伊用手掂^⑤，看伊掂起來的量若是有夠，就講好。

▶ ㊦ 擔仔位的所在嘛真重要，這會影響菜擔、菜架仔^⑥是毋是會當食市^⑦。挂仔入菜市仔，有一擔菜架仔有賣芥菜，阮阿母就買兩欉。付錢了後閣行較無三十公尺，另外一擔賣的芥菜較嬌，價錢嘛差不多。阮阿母隨就後悔，伊真慎重共我交代：「後擺毋通佇第一擔看著的就買落來。」

▶ ㊦ 菜市仔嘛是練習家庭經濟的所在。菜架仔頭家抑是頭家娘會看你買佻濟菜，加減仔送幾枝蔥仔。細漢的時毋知影這款例，有一擺予大人派我去買豆菜，頭家娘閣提韭菜予阮佻^⑧豆菜，我叫是^⑨頭家娘好意送的，一直喝歹勢、一直推辭。彼个頭家娘堅持講韭菜一定愛佻^⑩，阮才袂輸^⑪共人偏仝款共提轉來。有一擺我去菜市仔買排骨佻菜頭，欲來焿^⑫菜頭湯，頭家娘繼手^⑬就閣提一枝芹菜、兩枝芫荽^⑭予我。若是佇超市買菜，一定愛另外閣買，才有通共材料攞款起來。想到遮，就感覺傳統菜市仔予人方便閣替人省錢，實在足有人情味。

臭豆腐的滋味

黃文俊

● 曲目：62



全部播放

▶ ㄟ時間趲翻頭^①，轉去三十外冬前，阮規家伙仔搬去臺北無偌久，阿爸做塗水^②的工課三做四歇睏^③，日子實在袂得過矣，只好去共漢藥店的砵簷趲稅落來^④賣臭豆腐。雖然是小生理，阮阿爸煞當做大事業咧經營：臭豆腐愛先洗過才糲；泡菜愛用高麗菜去豉，袂當用高麗菜乾；豆油膏愛煮過才袂死鹹^⑤；盤仔愛用瓷的，所有的材料攞愛上實在的。因為阿爸講：「這是欲食落去腹肚底的，袂當清彩！」沓沓仔，阿爸「堅持用好料」的名聲，予人客食好鬥相報、生理愈來愈好。

▶ ㄟ佇我讀國中彼年，阿爸得失^⑥著佇夜市仔收保護費的迫迫人^⑦，予對方揣著藉口，侵門踏戶^⑧來厝裡欲抑欲拍^⑨。阮爸母想講囡仔猶閣細漢，所以佇半暝共包袱仔款款咧，坐暗班的火車轉去庄趲覷。佇火車頂，阿母共彼暗袂赴食的臭豆腐予阮做點心。彼个時陣，阮喙裡哺的臭豆腐，干焦賸苦閣澀的滋味！

▶ ㄟ大漢了後，我佇外地食頭路，定定有機會食著臭豆腐，心內攞咧向望：敢會當食著比阮兜較好食的臭豆腐？毋過，二十外冬過去矣，猶毋捌食過會當比並^⑩的。我想，臭豆腐對我來講，伊毋但是芳伶臭的問題，伊有我細漢時陣的記持，嘛有阮規家伙仔佇臺北拍拚的酸、甜、苦、澀，彼是別人無法度食著的滋味！

